



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm IX. A multis.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

censor Clementis, quod non liceat eis beneficiis, quæ ante suspensionem habuerunt, neque quæ postea consecuti sunt, retinere: Ideoque mandat Archiepiscopo Baranensi, ut illos, propter pertinaciam & contemptum Sedis Apostolice omnibus beneficijs priuet.

S U M M A R I V M .

1. Clerici priuandi sunt beneficiis, quæ in suspensione acceperunt.
2. Qui contumaciter persistit in excommunicatione, aut suspensione, priuatur beneficio, quod prius habebat, & interea acquisivit.

**D**E hac Cælestini responsione nullum dubium est, quoad unam partem, videlicet clericos priuandos esse beneficijs, quæ in suspensione acceperunt. Quemadmodum enim qui ab ordine suspensus est, nouum ordinem suscipere non potest, ita qui ab officio, vel beneficio suspensus est, ei aliud officium aut beneficium ecclesiasticum conferri haud potest, arg. c. vlt. de cleric. excom. ministr.

Quoad alteram verò partem dubium est, virum suspensus ab officio, vel beneficio, si pereum sit, quod minus à suspensione absoluatur, beneficijs ante suspensionem obrentis priuandus sit. Respondeo ex doctrina Innoc. super hoc c. Suspensionis varijs modis obculpanteri potest: Primo, ad tempus definitum, v.g. ad triennium: hoc casu pura poena reparationem habet, & per seipsum cessat, tempore lapsi, nisi prius à Superiori dispensatio, seu relaxatio impetretur. Idemque est, si sub conditione lata sit suspensio, donec restituatur, donec satisfecerit: nisi quod in ordine ad forum externum requiratur absolutio, seu potius declaratio, conditionem impletam, seu satisfactum fuisse.

Secundo ferri potest suspensio propter commissum crimen, tanquam pura pena in perpetuum: & tum parum differt à depositione, seu priuatione; saltem qui ita absque spe relaxationis suspensus est, beneficijs priuari debet, iuxta ea quæ dixi lib. 5. tr. 5. p. 3. c. 1. n. 3. & c. 5. n. 1.

Tertiò feretur suspensio tanquam propriè dicta censura propter presentem contumaciam, ita ut ea deposita, absolutio conferenda sit. Cæterum si Reus in contumacia diu perseueret, seu per ipsum stet, quod minus absoluatur, denique indignus reputatur, qui ab Ecclesia recipiatur, & à contracta censura absoluatur, uti colligitur ex hoc textu. Et in c. rursus, 36. &c. seq. causa 11. q. 3. excommunicationis censurā altrictis annis præfigitur, intra quem causam suam peragere possint postea audiendos non esse. Id vero Innoc. Ioan. Andr. Ant. Butrio hic ad censuram quoque suspensionis extendunt; si suspensus intra annum ecclesiæ satisfacere, & absolutionem petere per contumaciam intermit-  
tat, postea audiendum non esse, consequenter priuandum, seu deponendum: Et quod hic de triennio relatum est, facti speciem fuisse. Ego vero arbitror, nullum certum tempus definiri posse, sed superioris iudicio committendum, utrum tanta & tam diuturna in excommunicatione, aut suspensione persistentis, contumacia sit, ut spectata qualitate facti, priuationem beneficiorum me-reatur. Quod vero in cit. c. rursus, & seq. analis temporis mentio fit, id secundum eorum temporum & criminum circumstantias decretum est. Sed etiæ ea pena in persistentibus in excommunicationis censura adhuc hodie locum haberet, tamen ad suspensionem sine iuri textu extendi non posset.

C A P I T U L U M IX.

A multis.

S U M M A R I V M .

1. Subdiaconus liberè in Episcopum eligi potest.
2. Clericus autem in minoribus constitutus non potest eligi, sed postulari debet.

**D**Vbitatum fuit, utrum Subdiaconus in Episcopum liberè eligi possit, an vero postulari debeat. Quod enim postulari debebat, significat Urbanus I. Papa relatus in c. vlt.

Vnu 2 d. 60.

d.60. Sed respondet Innocentius III. Id dictum fuisse ab Urbano, quia eo tempore Subdiaconatus non erat ordo facer, seu annexam non habebat obligationem continentiae. Sed posterioribus seculis introductum, ut neque Subdiaconi ordinarentur, nisi continentiam promitterent; & tum etiam Subdiaconatus intra sacros seu maiores ordines numeratus fuit, vti testatur Urbanus II. relatus in c. eos qui, & seqq. d. 32. item Gregor. I. lib. 3. epist. 5. ad Bonifac. relatus in e. Subdiaconis, ead. d. & lib. 1. epist. 42. ad Petrum Subdiaconum, relatus in c. i. d. 31. vbi ait, ante triennium in Sicilia promulgatum esse decretum, ut etiam Subdiaconi, sicuti ante hoc tempus in Romanam Ecclesiam introductum erat, in ordinatione sua continentiam, etiam a proprijs, quas ante duxerant, vxoribus promitterent; idque statutum deinceps obseruandum. Qui autem ante illud statutum in Sicilia ordinati sunt Subdiaconi, permittendum, ut suis vxoribus vtantur: cum durum videatur, viros coniugatos, qui consuetudinem continentiae non habent, neque eam in ordinatione promiserunt, ad continentium compellere; atque periculum, ne in deterius ruant. Constat ergo, cum a tempore Gregorij I. Subdiaconatus inter sacros ordines numeratus fuerit, id eo Subdiaconum liberè in Episcopum eligi posse.

**NOTANDVM I.** Ordo sacerdicitur ille, cui continentiae promissio annexa est: Fortasse ideo, quod qui talem ordinem suscipiunt, continentiae voto edito, se Deo quodammodo consercent.

**2 NOTANDVM II.** Clericus in minoribus, seu non sacro ordine constitutus in Episcopum non potest eligi, sed postulari debet,

### CAPITVLVM X.

#### Tuam.

##### PARAPHRASIS.

Legatus a latere retulit Innocentio III. de Monacho, qui in minoribus ordinibus constitutus, ad sacros promoueri non poterat, quia v.g. ob corporis defectum irregularis erat, alioquin vero morum honeste-

state & industriæ insignis, vt spes esset per eum Monasterium reformati, si in Abbatem institueretur: quod etiam laici eius consanguinei & affines instanter petebant. Hoc intellecto, mandat Innocentius Legato, ut dictum Monachum instituat in Abbatem, non propter laicorum preces, sed propter Ecclesiæ illius necessitatem, & utilitatem. Ita explicitant Gl. Innocent. Ioan. Andr. & alij communiter.

##### S V M M A R I V M.

1. *Monachus in minoribus constitutus & irregularis ob monasterij necessitatem dispensatio in Abbatem institui potest.*
2. *Pertinet autem in hoc casu potestas dispensandi ad summum Pontificem, & non ad Prelatos inferiores.*

**N O T A N D V M I.** Monachus qui ob iustam causam ad sacerdotium promoueri nequit, propter Monasterij necessitatem in Abbatem dispensatio promoueri potest.

**QVÆRERES:** Ad quem pertineat in hoc casu dispensare: Respondeo: Ad Pontificem, non item Prelatos inferiores. Quia secundum canones, assumptus ad beneficium aut dignitatem, cui cura animarum annexa est, intra annum sacerdos fieri debet, vti dixi supra. 1. hoc tit. Facilius autem Pontifex dispensat, ut ad abbatiā aut similem curatam ecclesiā aliquis promoueat sine obligatione sacerdotium suscipiendi, quam ad Episcopatum. Quia episcopale officium non tantum consistit in iurisdictione erga subditos, sed magis etiam in potestate ordinis exercendi. Atvero officium Abbatis potius in gubernatione consistit, quam in exercitio ordinis, arg. c. 1. causa 18. q. 2. Sed quid si Monachus in minoribus constitutus intra annum Sacerdos fieri possit, concessum est Episcopo illum promouere ad Abbatiam? Respondeo: Si Ecclesiæ utilitas suadeat, promoueri posse; quia sacri canones non ita exigunt, vt quia ad alias prælaturas & beneficia surata eligitus vel promouetur, actu sacrum ordinem habeant, sicuti in electo Episcopo requirunt, vti constat ex c. præterea, hoc tit. & docet Hostiensis hic n. 3.

No.